

(o día 27 de xuño), así como no DOG do 27 de xuño de 2006.

9. A Deputación Provincial da Coruña emite informe favorable o 2-8-2006.

10. As modificacións introducidas no plan xeral foron aprobadas polo concello en sesión do Pleno do 4-8-2006.

11. A Dirección Xeral de Desenvolvemento Sostible (Consellería de Medio Ambiente e Desenvolvemento Sostible) declara, mediante Resolución do 7 de novembro de 2006, a inviabilidade do sometemento do Plan Xeral de Ordenación Municipal do Concello de Boimorto aos trámites previstos no artigo 7 da Lei 9/2006, sobre avaliación dos efectos de determinados plans e programas no ambiente.

12. Finalmente, a documentación que integra o plan que o Concello eleva para a súa aprobación definitiva está elaborada polo equipo redactor, *Cerne Ingeniería, S.A.*, datada en maio de 2006 e identificada con dilixencias da aprobación polo Pleno o 4-8-2006.

II. Fundamentos.

1. De conformidade co disposto no artigo 89.1º da Lei 9/2002, do 30 de decembro, de ordenación urbanística e protección do medio rural de Galicia, correspóndelle á conselleira de Política Territorial, Obras Públicas e Transportes resolver sobre a aprobación definitiva do Plan Xeral de Ordenación Municipal.

2. Segundo o disposto nos artigos 85.7º e 227 da Lei 9/2002, para resolver sobre a aprobación definitiva, a consellería competente en materia de urbanismo e ordenación do territorio debe analizar os seguintes aspectos:

a) A integridade e suficiencia dos documentos que integran o plan.

b) A conformidade do plan coa lexislación urbanística vixente e a adecuación das súas determinacións á protección do medio rural.

c) A incidencia do plan sobre as materias de competencia autonómica e sobre as políticas autonómicas de desenvolvemento sostible e a articulación das infraestruturas de carácter local cos elementos vertebradores do territorio de alcance supramunicipal.

3. A Dirección Xeral de Urbanismo elevou o 5-2-2007 un informe-proposta no que se analiza o contido do plan xeral, considerando cumprimentadas todas aquelas correccións precisas de acordo coa Orde do 3 de febreiro de 2006.

III. Resolución.

En virtude de todo o anterior, de conformidade co disposto no artigo 85.5º a) da Lei 9/2002, do 30 de decembro, de ordenación urbanística e protección do medio rural de Galicia,

RESOLVO:

Primeiro.-Outorgarlle a aprobación definitiva ao Plan Xeral de Ordenación Municipal do Concello de Boimorto.

Segundo.-Notifíquesele esta orde ao concello e publíquese no *Diario Oficial de Galicia*.

De conformidade co disposto polos artigos 92 da Lei 9/2002, e 70 da Lei 7/1985 do 2 de abril, reguladora das bases de réxime local, o Concello deberá publicar no BOP a normativa e ordenanzas do Plan Xeral de Ordenación Municipal aprobado definitivamente.

Contra esta orde, que lle pon fin á vía administrativa, cabe interpoñer recurso contencioso-administrativo ante a sala correspondente do Tribunal Superior de Xustiza de Galicia, no prazo de dous meses, que se contarán desde o día seguinte ao da súa publicación, segundo dispoñen os artigos 10 e 46 da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 6 de febreiro de 2007.

María José Caride Estévez
Conselleira de Política Territorial,
Obras Públicas e Transportes

CONSELLERÍA DE EDUCACIÓN E ORDENACIÓN UNIVERSITARIA

Corrección de erros.-Orde do 1 de decembro de 2006 pola que se resolve a do 6 de xuño de 2006 (Diario Oficial de Galicia do 15 de xuño) de convocatoria das axudas do Programa de consolidación e estruturación de unidades de investigación competitivas, en réxime de concorrencia competitiva.

Advertido erro no texto da citada orde, publicada no DOG nº 238, do mércores 13 de decembro de 2006, é necesario publicar a corrección seguinte:

Na páxina 18.157, segunda columna, modalidade de grupos de referencia competitiva, onde di: «nº de expediente: 2006/129; solicitante: Vidal Costa, Félix; universidade: USC; departamento: física da materia condensada; axuda (euros): 50.000», debe dicir: «nº de expediente: 2006/129; solicitante: Vidal Costa, Félix; universidade: USC; departamento: física da materia condensada; axuda (euros): 70.000».

Orde do 31 de xaneiro de 2007 pola que se convocan axudas para participar no programa de integración Aulas da Natureza 2007.

As aulas da natureza cumpren unha función importante ao facilitarlles aos alumnos a posibilidade de realizar múltiples actividades de tipo formativo, cultural e deportivo, así como de integración formal no medio propiamente escolar, xa que sitúan o neno nun medio diferente ao seu, que o leva a propiciar unha maior convivencia e cooperación cos profesores e compañeiros, ampliando os seus coñecementos e

a súa comprensión integral, ao coñecer diferentes lugares, xentes, terras, costumes, historia e recursos.

Así mesmo, permiten a integración, mediante a convivencia, de alumnos de réxime xeral e alumnos con necesidades específicas de apoio educativo.

Con base no acordo subscrito pola Consellería de Educación e Ordenación Universitaria e o Ministerio de Educación e Ciencia, e co fin de permitirllas aos alumnos galegos de 6º de educación primaria e 1º de educación secundaria o contacto directo con outras zonas e culturas de España, esta consellería.

DISPÓN:

1. Obxecto do programa.

A presente convocatoria ten por obxecto promover a convivencia e integración dos alumnos participantes con outros compañeiros de distintas zonas e culturas, ademais da integración de alumnos de réxime xeral e alumnos con necesidades específicas de apoio educativo.

2. Requisitos de participación.

Poderán solicitar a súa participación os alumnos matriculados en centros sostidos con fondos públicos da Comunidade Autónoma de Galicia que cumpran os seguintes requisitos:

a) Para os alumnos de réxime xeral: cursar 6º de educación primaria ou ben 1º de educación secundaria obrigatoria e ter nacido entre o 1 de xaneiro de 1994 e o 31 de decembro de 1996, polo que as súas idades estarán comprendidas entre os 11 e os 13 anos.

b) Os alumnos con necesidades específicas de apoio educativo deberán estar escolarizados en centros ordinarios ou específicos. Así mesmo, deberán posuír un grao de autonomía e condicións persoais que posibiliten a súa adaptación a programas de integración e a súa participación en actividades de grupo, polo que, tratándose de minusvalideces psíquicas, o grao de discapacidade será lixeiro ou moderado, requisito que deberá ser certificado polo director do centro docente en que o alumno estea matriculado no curso 2006/2007.

Así mesmo, estes alumnos deberán ter idades comprendidas entre os 11 e os 13 anos, ben que, de forma excepcional, poderán participar alumnos de ata 16 anos, sempre que esta circunstancia sexa aconsellada polo responsable do equipo de orientación específico ou do departamento de orientación do centro no correspondente anexo III, e se trate de alumnos con necesidades específicas de apoio educativo, escolarizados en centros específicos (non ordinarios).

3. Solicitudes.

3.1. Os alumnos que desexen participar deberán solicitálo a través do centro educativo en que estean escolarizados, cubrindo o modelo de instancia que figura como anexo I á presente orde.

Na epígrafe de quenda solicitada polos alumnos deberá vir cuberto o recadro que proceda cun X, ou ben por orde de prioridade, segundo sexa o caso 1, 2 ou 3.

3.2. Á solicitude xuntaráse a seguinte documentación:

a) Cuestionario individual do alumno, anexo II.

b) No caso de alumnos con necesidades específicas de apoio educativo deberán achegar ademais:

-Informe técnico do equipo de orientación específico ou do departamento de orientación do centro, anexo III, no cal se certificará que o alumno cumpre os requisitos establecidos na alínea 2.b) da presente orde.

-Certificado de minusvalidez ou ditame vixente de escolarización por necesidades específicas.

3.3. O prazo de presentación de solicitudes nos centros será de un mes contado a partir do día seguinte ao da publicación desta orde no *Diario Oficial de Galicia*.

3.4. Dentro dos dez días naturais seguintes ao remate do prazo de presentación de solicitudes de participación, os directores dos centros remitirán as solicitudes e o resto da documentación ás delegacións provinciais correspondentes, á atención do coordinador/a do programa en cada provincia, que a seguir se relacionan:

-A Coruña: inspectora de Educación Berta Estrada Arias.

Delegación Provincial da Consellería de Educación e Ordenación Universitaria da Coruña.

Salvador de Madariaga, s/n (Zona Monelos)-15008 A Coruña.

-Lugo: inspectora de Educación. Celsa González García.

Delegación Provincial da Consellería de Educación e Ordenación Universitaria de Lugo.

Ronda da Muralla, 70-27071 Lugo.

-Ourense: inspector de Educación Delfín Caseiro Nogueiras.

Delegación Provincial da Consellería de Educación e Ordenación Universitaria de Ourense.

Rúa Concello, 13-32003 Ourense.

-Pontevedra: inspectora de Educación Adoración de la Fuente Fernández.

Delegación Provincial da Consellería de Educación e Ordenación Universitaria de Pontevedra. Avda. de Montero Ríos, 13-36001 Pontevedra.

4. Procedemento de selección.

4.1. En cada provincia constituirase unha comisión de valoración das solicitudes presentadas que estará presidida polo inspector/a de educación coordinador do programa e integrada, en calidade de vogais, por:

-Un director dun centro educativo participante.

Un membro dos equipos de orientación específicos, designado polo/a delegado/a provincial correspondente.

-Un pai/nai dun alumno/a solicitante.

Actuará como secretario, con voz e sen voto, un funcionario da delegación provincial.

Valorarase que as solicitudes estean debidamente cubertas e acheguen a máxima información posible. A comisión terá en conta os criterios de selección recollidos no número 5 desta orde.

4.2. Esta comisión de valoración enviará á Dirección Xeral de Ordenación e Innovación Educativa no prazo máximo de 20 días naturais, contados desde a finalización do prazo de presentación de solicitudes, a seguinte documentación:

a) Relacións, por orde de prioridade, de alumnos de réxime xeral e de alumnos con necesidades específicas de apoio educativo, propostos para a súa participación no programa, con indicación da quenda.

b) Relación de alumnos excluídos, que incluíra aqueles que presentasen a solicitude fóra de prazo, así como os que non cumpran os requisitos establecidos na convocatoria.

4.3. A proposta conxunta será realizada pola Dirección Xeral de Ordenación e Innovación Educativa, a través dunha comisión constituída para tal fin e baseada nas propostas das comisións provinciais, tendo en conta que o número de alumnos con necesidades específicas de apoio educativo non poderá superar o 30% do total para cada quenda.

5. Criterios de selección.

5.1. Criterios xerais. Para a selección de todos os alumnos teranse en conta os seguintes criterios xerais:

a) Situación de orfandade (dun só proxenitor ou responsable familiar, 5 puntos, ou dos dous proxenitores ou responsables familiares, 10 puntos).

b) Pertenza a familias en que os sustentadores principais se encontren en situación de desemprego ou sexan pensionistas (un só sustentador ou responsable familiar, 5 puntos, ou os dous sustentadores ou responsables familiares, 10 puntos).

c) Pertenza a familias numerosas, ata 10 puntos.

d) Ter a condición de bolseiro de calquera convocatoria de axudas realizada polas administracións educativas, ata 10 puntos.

e) Non ter a condición de beneficiario destas axudas nos últimos dous anos, ata 10 puntos.

f) Outras circunstancias familiares e/ou económicas que dean lugar a situacións de desprotección para os alumnos e que poidan ser valorados polos órganos de selección correspondentes, ata 10 puntos.

5.2. Criterios específicos: valoraranse as características persoais do alumno derivadas do tipo de escolarización que presenta e, fundamentalmente, as posibilidades reais de participación no programa de integración. Para valorar estes aspectos terase en conta a información dos anexos II e III.

A valoración será dun máximo de 65 puntos.

6. Desenvolvemento do programa.

6.1. Os alumnos participantes desenvolverán as súas actividades en períodos de doce días no centro de programas educativos de Viérnoles en Torrelavega (Cantabria), de acordo coa seguinte distribución temporal:

1º quenda: do 12 ao 23 de xullo de 2007.

2º quenda: do 23 de xullo ao 3 de agosto de 2007.

3º quenda: do 3 ao 14 de agosto de 2007.

6.2. O lugar de xuntanza de onde sairá o autobús para Viérnoles (Cantabria), e a onde regresarán será a estación de autobuses de Lugo.

6.3. O traslado dos alumnos desde o seu domicilio á estación de autobuses de Lugo e o regreso desde a estación ao domicilio familiar será por conta da familia.

6.4. A estancia e mais o desprazamento dos alumnos seleccionados desde a estación de autobuses de Lugo e o regreso ata esta será gratuíto.

6.5. O programa estará coordinado por un responsable titulado e un número de monitores especialmente preparados para este programa, coa atención médica necesaria.

6.6. O centro de programas educativos de Viérnoles é unha instalación fixa, situada nun contorno adecuado para os obxectivos do programa e está correctamente dotada.

7. Proposta de alumnos beneficiarios.

7.1. A proposta dos alumnos beneficiarios das axudas farase pública a través do *Diario Oficial de Galicia*.

7.2. A Administración educativa enviará ao centro a que pertencen os alumnos a relación dos alumnos propostos e a información necesaria para poder participar: quenda, data, lugar e hora de saída, materiais necesarios para participar, etc.

7.3. O prazo máximo para elaborar a proposta será de 3 meses, contado a partir do día seguinte o da publicación no *Diario Oficial de Galicia* desta convocatoria. As solicitudes consideraranse desestimadas de non publicarse a proposta no prazo sinalado.

8. Reclamacións.

Contra a proposta de alumnos seleccionados pola Dirección Xeral de Ordenación e Innovación Educativa poderase interpoñer reclamación, no prazo máximo de 10 días naturais, segundo o disposto no artigo 84 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

9. Resolución definitiva.

Transcorrido o prazo de reclamacións, a resolución definitiva ditada polo Ministerio de Educación e Ciencia será publicada no BOE.

Disposicións derradeiras

Primeira.-Autorízase a Dirección Xeral de Ordenación e Innovación Educativa para ditar todas as disposicións que sexan necesarias para o desenvolvemento da presente orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 31 de xaneiro de 2007.

Laura Sánchez Piñón
Conselleira de Educación e Ordenación Universitaria



XUNTA DE GALICIA
CONSELLERÍA DE EDUCACIÓN E
ORDENACIÓN UNIVERSITARIA

ANEXO I

PROXECTO/MIENTO <i>PROGRAMA DE INTEGRACIÓN AULAS DA NATUREZA</i>	CÓDIGO DO PROCEDIMENTO <i>ED504A</i>	DOCUMENTO <i>SOLICITUDE DE PARTICIPACIÓN</i>
---	---	---

1.- DATOS FAMILIARES

APELIDOS E NOME DO ALUMNO SOLICITANTE		DATA DE NACEMENTO	
DOMICILIO		CÓDIGO POSTAL	CONCELLO
PROVINCIA	TELÉFONO	APELIDOS E NOME DO PAI/NAI/OU TITOR	
PROFESIÓN DO PAI/NAI/OU TITOR (ESPECIFIQUESE NO CASO DE QUE AMBOS TRABALLEN)			
Nº DE MEMBROS DA UNIDADE FAMILIAR (INCLUIDO O SOLICITANTE)	Nº DE IRMÁNS	LUGAR QUE OCUPA	TELÉFONO DE CONTACTO DURANTE A ACTIVIDADE

AUTORIZACIÓN

Don/Dona _____ como pai/nai/titor
do alumno _____, solicita e outorga a súa
autorización para que participe no programa de integración Aulas da Natureza e reciba a atención médica que, se é o caso, fose necesaria. Así mesmo, acepta que, no caso de producirse algunha circunstancia que aconselle a interrupción da súa participación nel, o alumno poida regresar ao seu domicilio antes da data prevista.

2.- DATOS DO CENTRO

NOME DO CENTRO		ENDEREZO DE CORREO ELECTRÓNICO	
ENDEREZO		CÓDIGO POSTAL	
COMUNIDADE	PROVINCIA	TELÉFONO	FAX
SINALE CUN "X" TIPO DE CENTRO: <input type="checkbox"/> PÚBLICO <input type="checkbox"/> PRIVADO CONCERTADO TIPO DE ESCOLARIZACIÓN: <input type="checkbox"/> ALUMNADO DE RÉXIME XERAL <input type="checkbox"/> ALUMNADO DE RÉXIME XERAL CON ADAPTACIÓNS CURRICULARES <input type="checkbox"/> ALUMNADO ESCOLARIZADO CON DITAME DE ESCOLARIZACIÓN POR NECESIDADES EDUCATIVAS ESPECIAIS			
CURSO EN QUE ESTÁ MATRICULADO O ALUMNO NO ANO ESCOLAR 2006-2007		MESTRE DE CONTACTO	

SITUACIÓNS ESPECÍFICAS (SINALE CUN "X" OU INDIQUE "1" OU "2", SEGUNDO PROCEDA)

<input type="checkbox"/> O SOLICITANTE ENCONTRÁSE EN SITUACIÓN DE ORFANDADE (INDIQUE 1 OU 2)	<input type="checkbox"/> O SOLICITANTE NON FOI BENEFICIARIO DESTE PROGRAMA NOS CURSOS 2004-2005 OU 2005-2006
<input type="checkbox"/> PERTENCE A FAMILIA EN QUE OS SUSTENTADORES PRINCIPAIS SE ENCONTRAN EN SITUACIÓN DE DESEMPREGO OU SON PENSIONISTAS (INDIQUE 1 OU 2)	<input type="checkbox"/> OUTRAS SITUACIÓNS
<input type="checkbox"/> PERTENCE A FAMILIA NUMEROSA	QUENDA <input type="checkbox"/> 1 <input type="checkbox"/> 2 <input type="checkbox"/> 3
<input type="checkbox"/> TEN A CONDICIÓN DE BOLSEIRO DE CALQUERA CONVOCATORIA DE AXUDAS REALIZADA POLAS ADMINISTRACIÓNS EDUCATIVAS	<input type="checkbox"/> ESPAZO RESERVADO PARA A PUNTUACIÓN POR PARTE DA ADMINISTRACIÓN

Don/Dona _____, como presidente do
Consello Escolar, certifica que o alumno a que se refire esta solicitude se encontra nas situacións que se especifican neste punto
de de
Selo do centro _____ (sinatura)

ETIQUETA APLICABLE <i>Orde do 31 de xaneiro de 2007 pola que se convocan axudas para participar no programa de integración Aulas da Natureza 2007.</i> SINATURA DO SOLICITANTE OU PERSOA QUE O REPRESENTA _____ de de	(Para cubrir pola Administración) RECIBIDO _____ REVISADO E CONFORME _____	NÚMERO DE EXPEDIENTE _____ DATA DE ENTRADA ____/____/____ DATA DE EFECTOS ____/____/____ DATA DE SAIDA ____/____/____
--	--	--

Inspector/a coordinador/a do programa de integración Aulas da Natureza

ANEXO II

CUESTIONARIO INDIVIDUAL DO ALUMNO

1.- CUESTIONARIO MÉDICO (PARA CUBRIR POLO PAI/NAI/TITOR, SE É O CASO)

A) ¿Toma algunha medicación? (marque cun "X" a resposta que proceda) SI NON

En caso afirmativo, especifique que medicamento toma, doses diarias e horario:

¿É responsable da súa medicación ou necesita algunha persoa que o supervise?

B) ¿Padece algún tipo de alerxia? (marque cun "X" a resposta que proceda) SI NON

En caso afirmativo, indicar cales:

C) Relacione as enfermidades de que está vacunado:

D) Explique calquera outra circunstancia que poida resultar de interese e/ou que deba ser tida en conta en relación coa asistencia do alumno:

2.- BREVE INFORME (PARA CUBRIR POLO CENTRO, PARA TODOS OS ALUMNOS)

1.- Nivel de escolarización:

2.- Apoios que recibe dentro e fóra da aula: (gabinetes, logopedia):

3.- Socialización:

- Tipo de relación:

- Cos demais alumnos:

- Cos mestres:

- Habilidades sociais:

4.- Comportamento:

- Dentro da aula:

- Fóra da aula:

- Resposta ante determinadas situacións:

5.- Características xerais do seu proceso de aprendizaxe:

6.- Dificultades que poida presentar a asistencia do alumno ao programa e medidas que hai que tomar:

7.- Observacións:

_____, de _____ de _____
Visto e prace, o director do centro
(Sinatura e selo do centro)

O titor

ANEXO III

INFORME TÉCNICO DO EQUIPO DE ORIENTACIÓN ESPECÍFICO OU DO DEPARTAMENTO DE ORIENTACIÓN DO CENTRO (PARA CUBRIR UNICAMENTE PARA OS ALUMNOS CON NECESIDADES ESPECÍFICAS DE APOIO EDUCATIVO)

1.- TIPO DE ESCOLARIZACIÓNNivel Tipo de centro ORDINARIO ESPECÍFICO**2.- DESCRICIÓN DA DISCAPACIDADE**2.1.- Diagnóstico (se o houberse)

2.2.- Tipo de discapacidade que presenta o alumno e breve descrición dela:

- Física: MOTORA ORGÁNICA FUNCIONAL- Psíquica: LIXEIRA MODERADA- Sensorial: AUDITIVA VISUAL- Trastorno do comportamento e/ou personalidade: - Outras:

2.3.- Breve descrición das características persoais de alumnos nas seguintes áreas:

Motricidade:

Nivel intelectual e habilidades cognitivas: (indicar, se é o caso, se existe desfacemento da idade prevista no punto dous da convocatoria):

Linguaxe e comunicación: Habilidades sociais: Autonomía persoal: Conduta adaptativa:

Observacións de interese:

2.4.- Necesidades especiais que ten e apoios que precisa:

2.4.1.- Se necesita atención médica ou física, a que corresponda:

2.4.2.- Segundo o seu grao de autonomía persoal, indicar o apoio que necesita nos seguintes puntos:

- Vestido: - Alimentación: - Aseo: - Desprazamentos: - Control de esfínteres:

, de de

(Equipo de orientación específico ou departamento de orientación do centro)

CERTIFICACIÓNDon/Dona , como director/a do centro certifica que o/a alumno/a está matriculado/a durante

o curso 2006/2007 no mencionado centro e que posúe suficiente grao de autonomía y para participar nos programas de integración, reunindo os requisitos exixidos no punto 2. b) da orde pola que se regula a participación no programa de integración Aulas da Natureza.

Asdo.: